

唐盧戶部詩集卷第一

河中 盧綸 允言

送吉中孚校書歸楚州舊山十一首

青袍芸閣郎談笑揖侯王
舊錄藏雲穴新詩滿帝鄉
名高閑不得到處人爭識
誰知冰雪顏已禿風塵色
此去復如何東臯岐路多
藉芳臨紫陌迴首憶滄波
年來倦蕭索但說淮南樂
並檝湖上遊連檣月中泊
汭溜入閣門千燈夜市喧
喜逢隣舍伴遙語問鄉園
下淮風自急樹杪分郊邑
送客隨岸行離人出帆立
漁村繞水田澹澹隔晴烟
欲就林中醉先期石上眠

林昏天未曙但向雲邊去暗入無路中心知有花處
登高日轉明下望見春城洞裏草空長塚邊人自耕
寥寥行異境過盡千峯影露色凝古壇泉聲落寒井
仙成不可期多別自堪悲爲問桃源客何人見亂時

送韓都護還邊

好勇知名早爭雄上將間戰多春入塞獵慣夜登山
陣合龍蛇動軍移草木閑今來部曲盡白首過蕭關

送惟良上人歸江南

落日映危檣歸僧問岳陽注瓶寒浪靜讀律夜舩香
苦霧沉山影陰霾發海光群生一帶負多病禮鑿王

送姨弟裴均尉諸暨

此子先君元
相舊判官

相悲得成長同是外家恩舊業廢三畝弱年承一門
城開山日早吏散渚禽喧東閣謬容止予心君冀言

送鄧州崔長史

出山車騎次諸侯坐領圖書見督郵遠郭桑麻通浙
口滿川風景接襄州高城烏過方催夜廢壘蟬鳴不
待秋聞說元規偏愛月知君長得伴登樓

送鹽羨裴判官入蜀

傳詔收方貢登車着賜衣樵商蠻客富稅地芋田肥
雲白風雷歇林清洞穴稀炎涼君莫問見即在忘歸

送魏廣下第歸揚州

楚鄉雲水內春日衆山開淮浪參差起江帆次第來
獨歸初失桂共醉忽停杯漢詔年年有何愁掩上才
送潘述應宏詞下第歸江南

愁與醉相和昏昏竟若何感年懷闕久失意夢鄉多
雨裏行青草山前望白波江樓覆茶好誰引仲宣過
送從舅成都縣丞廣題蜀

褒谷通岷嶺青冥此路深晚程椒瘴熱野飯荔枝陰
古郡三刀夜春橋萬里心唯應對楊柳暫醉卓家琴
送宋校書赴宣州幕

南想宣城郡清江野戍開艤艫高映浦睥睨曲隨山
名寄圖書內威生將吏間春行板橋暮應伴庾公還
送李縱別駕加員外郎却赴常州幕

霄漢正聯飛江湖又獨躋暫歡同賜被不待易朝衣
山雨迎軍晚蘆風候火微還當宴鈴閣謝守亦光輝
送元贊府重任龍門縣

二職亞陶公躋程與夢同柳垂平澤雨魚躍大河風
混跡威長在孤清志自雄應嗤向隅者空寄路塵中
送黎燧尉陽翟

玉貌承嚴訓金聲稱上才列筵青草偃驟馬綠楊開

潘縣花添發梅家鶴暫未誰知望恩者空逐路人迴

送丹陽趙少府

即給事中涓親弟

恭聞林下別未至亦沾裳荻岸雨聲盡江天虹影長
佩帶宗懶慢偷摘愛芳香遙想從公後稱榮在上堂

送菊潭王明府

組綬掩衰顏輝光里第閒晚涼經灞水清晝入商山
行境逢花發彈琴見鶴還唯應理農後鄉老賀君閑

送陳明府赴萍縣

素舸載陶公南隨萬里風梅花成雪嶺橘樹當家僮
祠掩荒山下田開野荻中歲終書善績應與古碑同

送申屠正字往湖南迎親兼謁趙和州因呈上

侍郎使君并戲簡前歷陽李明府

曉月朦朧映水關水邊因到歷陽山千艘財貨朱橋
下一曲閭閻青荻間坦腹定逢潘令醉上樓應伴庾
公閑歡餘若問南行計知念天涯負米還

送李尚書郎君昆季侍從謁滑州

鳳雛聯翼美王孫綵服戎裝擬塞垣金鼎對筵調野
膳玉鞭齊騎引行軒冰河一曲旌旗滿墨詔千峯雨
露繁更說務農將罷戰敢持歌訟慶晨昏

送張調參軍侍從謁荆南因寄長林司空十

四曙得潛

玉勒侍行檐，邴超未有髯。守儒輕獵騎，承誨訪沉潛。
雲勢將峰襍，江聲與嶼兼。還當見王粲，應念二毛添。
送馬尚書郎君侍從歸覲太原

玉人垂玉鞭，百騎帶秦鞵。從賞野郵靜，獻新秋果鮮。
寒屯豐雨雪，虜帳失山川。遙想稱觴後，唯當共被眠。
送張成李往江上賦得垂楊

垂楊真可憐，地勝覺春偏。一穗雨聲裏，千條池色前。
露繁光的皪，日麗影團圓。若到隋隄望，應逢花滿船。
送陝府王司法

東門雪覆塵，出送陝城人。粉郭朝喧市，朱橋夜掩津。
上寮應重學，小吏已甘貧。謝眺曾爲掾，希君一比隣。
送太常李主簿歸覲省

粲粲美仍都，清閑一貴儒。定交分玉劔，發詠寫冰壺。
風景隨台位，河山入陣圖。上堂多慶樂，肯志谷中愚。
送從叔程暹西川幕

千山冰雪晴，山靜錦花明。群鶴棲蓮府，諸戎拜柳營。
浪依巴字息，風入蜀關清。豈念在貧巷，竹林鳴鳥聲。

送萬巨六言

把酒留君聽，琴難堪歲暮。離心霜葉無，風自落秋雲。

不雨空陰人愁荒村路細馬怯寒溪水深望盡青山
獨立更知何處相尋

途中遇雨馬上口號留別張劉二端公

陰雷慢轉野雲長駿馬雙嘶愛雨涼應念龍鍾在泥
滓欲摧肝膽事王章

張一作襄

送夔州班使君

曉日照樓船三軍拜峽前白雲隨浪散青壁與城連
萬嶺峨峨雪千家插插川還知楚河內天子許經年

送從弟成都永廣通蜀

巴宇天邊木杳人去是越棧長山雨響溪亂火田稀

俗富行應樂官雄祿豈微魏舒終有淚還濕甯家衣

無題

耻將名利託交親只向樽前樂此身才大不應成滯
客時危且喜是閑人高歌猶愛思歸引醉語惟誇漉
酒巾

豈能偏遣老風塵

題念濟寺

靈空聞偈夜清淨雨裏花枝朝暮開故里九泉留語
別逐臣千里寄書來

河口逢江州朱道士因聽琴

廬山道士夜携琴映月相逢辨語音引坐霜中彈一

弄滿船商客有歸心

送夏侯校書歸華陰別墅

山前白鶴村竹雪覆柴門候客定為黍務農因燎原
乳水懸暗井蓮石照晴軒黃酒隣里陸爆衣場圍喧
依然望君去余性亦何昏

送絳州郭參軍

炎天故澤怒十里寒花香重澤雷聲發汾橋水氣涼
府庭遺心裁野宴感王祥送客今何幸經宵醉玉堂
中書舍人李休上送絳州參軍
頓陽春色似河陽一望芳花一畝香今日送官君取

恨可憐才子白鬚長

與從弟瑾同下第後出關言別

四首

同作金門獻賦人二年悲見故園春到闕不沾新雨
露還家空帶舊風塵

雜花飛盡柳陰陰官路逶迤綠草深對酒已成千里
客望山空寄兩鄉心

出關愁暮一沾裳滿野蓬生古戰場孤村樹色昏殘
雨遠寺鐘聲帶夕陽

誰憐苦志已三冬却欲窮耕學老農流水白雲尋不
盡期君何處得相逢

赴饒州留別故人

世故相逢各未閑，百年多在別離間。
昨夜秋風今夜雨，不知何處入空山。

冬夜贈別友人

愁聽千家流水聲，相思獨向月中行。
侵階暗草冬霜重，過郭寒山夜月明。
連年客舍唯多病，數畝田園又

送劉心書歸書後語

黃髮蕭蕭不覺春，青燈兩坐當軒置。
樽酒送客歸江城，竹裏聞枝掃井中。
兄弟各務賢太守，應為改鄉名。

送衛司法河中觀省

即故王吏部
延昌外

出身因強學，不以外家榮。
年少無遺事，官閑有政聲。
曉山臨野渡，落日照軍營。
共賞高堂下，連行弟與兄。

送從叔牧永州

五侯軒蓋行何疾，零陵太守登車日。
零陵太守泪盈巾，此日長安方欲春。
虎符龍節照岐路，何若愁為江海人。
彼方韶景無時節，山水諸花恣開發。
客棹津戍少聞猿，鴈過瀟湘更逢雪。
郡齋無事好閑眠，秔稻油油綠滿川。
浪裏爭迎三蜀貨，月中喧泊九江船。
今朝小阮同夷老，欲問明君借幾年。

送趙真長歸夏縣舊山依陽徵君讀書

臨杯忽泫然非是惡離絃塵陌望松雪我衰君少年
閉僧曝山果寒鹿守冰泉感物如有待况依田也賢
留別耿緜侯釗馮著

相識少相知與君俱已衰笙鏞新宅第岐路古山陂
學道功難就為儒事本遲惟當與漁者終老遂其私

送渾鍊歸觀鄉赴闕庭

露幕擁簪裾台庭幾白魚綠衣人競看銀詔帝親書
知子當元老為臣然二疎執珪期已迫捧膳步寧徐
而我誠愚者夫君豈病諸探題多決勝饌玉每分餘

榮比成功後恩同造化初甌塵方欲合籠翻或將舒
榆筭錢難比楊花雪不如明朝古隄路心斷玉人車

送崔邠拾遺

皎潔無瑕清玉壺晚乘華輿向天衢石建每聞宗謹
孝劉歆不敢術師儒諫修郊廟開宸慮議按休徵淺
瑞圖今日攀轅復何者轅門垂白一愚夫

送渾別駕赴舒州

江平蘆葦齊五兩貼橋低遠郭覆晴雪滿船聞曙雞
鱸魴宜入貢橘柚亦成賸還似海沂日風清無鼓鼙

送從叔士準赴任潤州司士

卷之二
一
雲起山城暮沉沉江上天風吹建業雨浪入廣陵船
久是吳門客常聞謝守賢終悲去國遠淚盡竹林前

唐盧戶部詩集卷第一

唐盧戶部詩集卷第二

河中

盧綸允言

送尹樞令狐楚及第後歸覲

佳人比香草君子即芳蘭
寶器金壘重清音玉珮寒
貢文齊受寵獻禮兩承歡
鞍馬并汾地爭迎陸與潘

東潭宴餞河南趙少府

十載奉戎軒日聞君子言
方將賀榮爵遽乃愴離樽
岸轉臺閣麗潭清絃管繁
松篁難晦節雨露不私恩
坐使吏相勉居爲儒所尊
可憐桃李樹先發信陵門

賦得館娃宮送王山人遊江東

蒼蒼楓樹林草合廢宮深越水風浪起吳王歌管沉
燕歸巢已盡鶴語塚難尋旅泊彼何夜希君抽玉琴

送暢當還舊山

常逢明月馬塵間是夜照君歸處山山中松桂花盡
發頭白屬君如等閑

數顏魯公送挺贊歸翠微寺

挺贊慧學該儒釋袖有顏徐真草跡一齋三請紀行
詩誦我垂鞭弄鳴鏑寺懸金榜半山隅石路荒涼松
樹枯虎跡印雪大如斗閨月暮天過得無

送契玄法師歸道場

昏昏醉老夫灌頂遇醍醐嬪御呈心鏡君王賜髻珠
降魔須戰否問疾敢行無深契何妨秘傳宗本不殊

送暢當赴山南幕

含情脫佩刀持以佐賢豪是月霜霰下伊人行役勞
事將名共易文與行空高去矣奉戎律悲君為我曹
顏侍御廳叢篁詠送薛存誠

玉榦百餘莖生君此堂側拂簾寒雨響擁砌深溪色
何事鳳凰雛茲焉理歸翼

秣晚河西縣樓送渾中允赴朝闕

高樓吹玉簫車馬上河橋岐路自奔隘壺觴終寂寥

芳蘭生貴里片玉立清朝今日台庭望心遙非地遙
達奚中丞東齋壁畫山水各賦一物得樹杪懸

泉送長安趙元陽少府

素壁畫飛泉從雲落樹顛練垂疑葉響雲迸覺枝偏
利物得雙劍爲儒當一賢應思灑塵陌調饌亦芳鮮

送信州姚使君

朱幡徐轉擁群官猿鳥無聲郡宇寬楚國上腴收賦
重漢家良牧得人難銅鉛滿穴山能富鴻鴈連群地
亦寒幾日政聲聞外戶九江行旅得相歡

送暢當

四望無極路千里流大河秋風滿離袂唯老事唯多

送史兵曹判官赴樓煩

渥洼龍種散雲時千里繁花乍別離中有重臣承需
澤外無輕虜犯旌旗山川自與_如合帳幕時因水
草移敢謝親賢得瓊玉仲宣能賦亦能詩

送曇延法師講罷赴上都

金縷袈裟國大師能銷壞宅火燒時復來擁膝說無
住知向人天何處期

送道士郗彝素歸內道場

病老正相仍忽逢張道陵羽衣風淅淅仙貌玉稜稜

叱我問中壽教人祈上昇樓居五雲裏幾與武皇登
賦得彭祖樓送揚德宗歸徐州幕

四戸八窓明玲瓏逼上清外欄黃鵠下中柱紫芝生
每帶雲霞色時聞簫管聲望君無有月幢蓋儼層城
送餞從叔辭豐州幕歸嵩陽舊居

白鬚宗孫侍坐時願持壽酒前致詞鄙詞何所擬請
自邊城始邊城貴者李將軍戰鼓遙疑天上聞屯田
布錦周千里牧馬橫花溢萬群白雲本是喬松伴來
遠青營復飛散三鼓画角咽不通萬里蓬根一時斷
豐州聞說似涼州沙塞晴明部落稠行客已去依獨

成主人猶自在高樓夢親旌旆何山見每值清風一
回面洞裏先生那惟遲人天無路自無期砂泉丹井
非同味桂樹榆林不並枝吾翁致身殊得計地仙亦
是三千歲莫着戎衣期上清東方曼倩逢人輕

送靜居法師

五色香幢重復重寶輿昇座發神鐘蒼筤名花飄不
斷醍醐法味洒何濃九天論道當宸眷七祖傳心合
聖蹤願比靈山前世別多生還得此相逢

送劉判官赴豐州

銜杯吹急管滿眼起風砂大漠山沉雪長城草發花

策行須耻戰虜在莫言家余亦祈勲者如何別左車
將赴京留獻令公

沙鶴驚鳴野雨收大河風物颯然秋力微恩重亮難
報不是行人不解愁

落第後歸山下舊居留別劉起居昆季

寂寞迨朝昏沉憂豈易論有時空卜命無事可酬恩
寄食依隣里成家望子孫風塵知世路衰賤到君門
醉裏因多感愁中欲強言花林逢廢井戰地識荒園
悵別臨晴野悲春上古原鳥歸山外樹人過水邊村
潘岳方稱老稽康本厭喧誰堪將落羽迴首仰飛翮

將赴闕鄉澗上留別錢起員外

曩登橋望分明春色來離心自惆悵車馬亦徘徊
遠雪和霜積高花占日開從官竟何事憂患已相催

虢州逢侯釗同尋南觀因贈別

相見翻惆悵應憐賁廢官過深慙祿在識淺賴刑寬
獨失耕農業同思弟姪懽衰貧羞客過卑束會君難

放鶴登雲壁澆花遶石壇興還江海上跡在是非端

林密風聲細山高雨色寒悠然此中別賓僕亦闌干

赴池州拜覲舅氏留上考功郎中舅

孤賤易蹉跎其如酷似何衰榮同族少生長外家多

別國桑榆在沾衣血淚和應憐夫行鴈霜霰寄烟波
送從姪滁州覲省

愛爾似龍媒翩翩千里迴書從外氏學竹自晉時栽
擁棹逢鷗舞憑闌見雨來上堂多慶樂不醉莫停杯

奉和聖製麟德殿宴百寮

雲闕御筵張山呼聖壽長玉欄豐瑞草金陛立神羊
台鼎資庖膳天星奉酒漿蠻夷陪作位犀象舞成行
網已祛三面歌因守四方千秋不可極花發滿宮香
和考功員外杪秋憶終南舊居

舊居

又云和大理裴卿杪秋憶山下

靜憶溪邊宅知君許謝公曉霜凝未掃初日照梧桐
澗鼠喧藤蔓山禽竄石藜白雲當嶺雨黃葉遶塔風
野果垂橋上高泉落水中權榮來自間羸賤賞曾一作
難通月滿珠藏海天晴一作清鶴在籠餘陰如可寄願
得隱墻東

酬暢當尋嵩岳麻道士見寄 二首

聞逐樵夫閑看碁忽逢人世是秦時開雲種玉憐山
淺渡海傳書恠鶴遲陰洞石牀微有字古壇松樹半
無枝煩君遠寄青囊籙願得相從一問師
自別前峯隱同爲外累侵幾年親酒會此日有僧尋

學稼功還棄論邊事亦沉衆懽徒滿目專愛久離心
覽髮絲垂鏡彈琴泪洒襟訪田悲洛下寄宅憶山陰
薄溜漫青石橫雲架碧林壞簷藤陣密衰菜棘籬深
流散俱多故憂傷併在今唯當埃高躡歸止共抽簪
和常舍人晚秋集賢院即事十二韻寄贈江南

徐薛二侍郎

綸閣九華前森沉綺仗連洞門開旭日清禁肅秋天
霜滿朝容備鐘餘漏唱傳搖璫陪羽扇端弁入爐烟
麟筆刪金篆龍綃薦玉編汲書荀勗定漢史蔡邕專
桐竹潛通荀宮池暗瀉泉亂藜縈弱蕙墜葉灑枯蓮


列署齊遊日重江並謫年登封思議草侍講憶同筵
滄海風濤廣黜山瘴雨偏唯應絨上寶贈遠一呈妍
謝苗員外仲夏歸郊居遇雨見寄

雷響風仍急人歸鳥亦還亂雲方至水驟雨已喧山
田鼠依林上池魚戲草間因高比埃霧一詠一開顏
和太常王卿秋日即事

高高雲日明潘岳賦初成籬槿花無色堦桐葉有聲
絳紗垂簟淨白羽拂衣輕鴻雁悲天遠龜魚覺水清
別絃添楚思牧馬動邊情田雨農官問林風苑吏驚
松篁終茂盛蓬艾自衰榮遙仰憑軒夕惟應善宋生

唐虞五部詩集卷第二

國家圖書館. NATIONAL CENTRAL LIBRARY, TAIWAN, R.O.C.



唐盧戶部詩集卷第三

河中 盧綸允言

和李使君三郎早秋城北亭樓宴崔司士因寄

關中弟張評事時遇

黃花古城路上盡見青山桑柘晴川口牛羊落照間
野情隨卷幔軍事隔重關道合偏多賞官微獨不閑
鶴分琴久罷書到雁應還爲謝登龍客瓊枝寄一攀

和趙端公九日登石亭上和州家兄

洛浦想江津悲懽共此晨採花湖岸菊望國舊樓人
鴈別聲偏苦松寒色轉新傳書問漁叟借寇爾何因

醜趙少尹戲示諸姪元陽等因以見贈

八龍三虎儼成行
瓊樹花開鶴翼張
且請同觀舞鸚鵡
何須竟洒食
棋榔歸時每愛懷
朱橘戲處常聞佩
紫囊謬入阮家逢
慶樂竹林因得奉
壺觴

奉和戶曹叔夏夜寓直寄呈同曹諸公并見示
歛板捧清詞
恭聞侍直時
暮塵歸衆騎
邃宇捨諸司
菲月先燈至
清風與簟隨
亂螢光熠熠
行樹影離離
龍卧人寧識
鵬搏鷄豈知
便應當五夜
敢望竹林期
和金吾裴將軍使往河北宣慰因訪張氏昆季
舊居兼寄趙侍郎趙卿拜陵未廻

飛軒不駐輪
感激漢偽臣
氣攝千夫勇
恩傳萬里春
古原收野燎
寒笛怨空隣
書此達良友
五陵風雨頻
和太常李主簿秋中山下別墅即事

清秋未幾時
宋玉已先知
曠朗霞映竹
澄明山滿池
葺橋雙鶴赴
收果衆猿隨
韶樂方今奏
雲林徒蔽虧
訓常渚秋夜有懷見寄

蕭條涼夜來
秋草對衰顏
露下烏初定
月明人自閑
獨悲無舊業
共喜出時艱
爲問功成後
同遊何處山

同吉中孚夢桃源 二首

春雨夜不散
夢中山亦陰
雲中碧潭水
路暗紅花林

花水自深淺無人知古今

夜靜春夢長夢逐仙山客園林滿芝朮雞犬傍籬柵
幾處花下人看予笑頭白

同柳侍郎題侯釗侍郎新昌里

清源君子居左右滿圖書三逕春自足一瓢歡有餘
庭莎成野席闌藥是家蔬幽顯豈殊迹昔賢徒病諸
訓孫侍御春日見寄

經過里巷春同是謝家隣顧我覺衰早荷君留醉頻
松高猶覆草鶴起暫縈塵始悟達人志患名非患貧
和王員外久夜寓直

高步長裾錦帳郎居然自是漢賢良潘岳敘年因鬢
髮揚雄託諫在文章九天韶樂飄寒月萬戶香塵裊
曉霜坐見重門儼朝騎可憐雲路任翱翔

訓金部王郎中省中春日見寄

南宮樹色曉森森雖有春光未有陰鶴侶正宜芳景
引玉人那為簿書沉山含瑞氣偏當日鶯逐輕風不
在林更有阮郎迷路處萬株紅樹一溪深

奉和陝州十四翁中丞寄雷州二十翁司戶

瞻飛獨不前迥落海南天賈傅竟行矣邵公唯泫然
瘴開山更遠路極水無邊沉劣本多感况聞原上篇

和李中丞誚萬年房署少府過汾州景雲觀因

以寄上房與李早年同居此觀

顯晦澹無迹賢哉常晏如如何警孤鶴忽乃傳雙魚
敘以泉石舊悵然風景餘低回青油幕夢寐白雲居
玉洞桂香滿雪壇松影踈沉思囑仙侶紆組正軍書
積學早成道感恩難遂初梅生諒多感歸止豈吾廬

誚陳翊郎中冬至携柳郎竇郎歸河中舊居見

寄

三旬一休沐清景滿林廬南郭群儒從東床兩客居
燒烟浮雪野麥隴澗水渠班白皆持酒蓬茅盡有書

終期買寒渚同此利蒲魚

誚李益端公夜宴見贈

戚戚一西東十年今始同可憐歌酒夜相對兩衰翁

和陳翊郎中拜本府少尹兼侍御史獻上侍中

因呈同院諸公

金印垂鞍白馬肥不同疏廣老方歸三千士裏文章
伯四十年來錦綉衣節比青松當澗直心隨黃雀繞
簷飛鄉中賀者唯爭路不識傳呼獬豸威

和王倉少尹暇日言懷

清秋多暇日况乃是夫君習靜通仙事書空閱篆文

劍飛終上漢鶴夢不離雲無限烟霄路何嗟迹未分

和崔侍郎遊萬固寺

聞說中方高樹林曙華先照轉春禽風雲才子冶遊
思蒲柳老人惆悵心石路青苔花漫漫雪簷垂溜玉
森森賀君此去君方至河水東流西日沉

和裴延齡尚書寄題果州謝舍人仙居

飄然去謁八仙翁自地從天香滿空芝蓋迴標雙鶴
上語音猶在五雲中青溪不接漁樵路丹井唯傳草
木風歌此因思奉命液露盤長慶漢皇宮

謝崔侍御早秋卧病書情見寄時君亦抱疾在

假中

擲地金聲信有之瑩然冰玉見清詞元凱癖成官始
貴相如渴甚貌愈衰荒園每覺虫鳴早華館常聞客
散遲寂寞罷琴風滿樹幾多黃葉落蛛絲

謝靈澈上人

一云口號棧贈靈澈上人時奉事入城

軍人奉役本無期葉落花开總不知走馬城中頭雪
白若為將面見湯師

覽外生盧綸詩因以示此

附常渠中

衛玠清談性最彊明時獨拜正員郎關心珠玉曾無
價滿手瓊瑤更有光謀略久參花府盛才名常帶粉

閣香終期內殿聯詩句共汝朝天會柏梁

敬誦太府二十四舅覽詩卷因以見示

郊公憐慙亦憐愚忽賜金盤徑寸珠徹地碧潭滋涸
溜歷枝紅艷照枯株九門洞啓延高論百辟聯行挹
大儒顧已文章非酷似敢將幽劣俟洪爐

雨中誦友人

看山獨行歸竹院水遠前堦草生遍空林明暗寂無
聲唯有愁心兩相見

誦人失題

孤鸞將鶴群晴日飄春雲何幸晚飛者清音長此聞

哭司農苗主簿

原頭殯御遠新營原下行人望哭聲更想秋山連古
木唯應石上見君名

得耿締司法書因敘長安故友零落兵部苗員

外發秘省李校書端相飲逝潞府崔功曹峒

長林司空丞曙俱謫遠方余以搖落之時對

書增歎因呈河中鄭倉曹暢參軍昆季

髮似衰蓬心似灰驚悲相集老相催故友九泉留語
別逐臣千里寄書來塵容帶病何堪問淚眼逢秋不
喜開幸接野居宜屐步冀君清夜一申哀

同兵部李紱侍郎刑部包佶侍郎哭皇甫侍御

曾

攀龍與泣麟哀樂不同塵九陌霄漢侶一燈冥漠人
舟沉驚海濶蘭折怨霜頻已矣復何見故山應更春
綸與吉侍郎孚司空郎中曙苗員外發崔補闕
峒耿拾遺締李校書端風塵追遊向三十載
數公皆負當時盛稱榮耀未幾俱沉下泉暢
博士當感懷前蹤有五十韻見寄輒有所酬
蕪寄夏侯侍御審侯倉曹釗

稟命孤且賤少爲病所嬰八歲始讀書四方遂有兵
童心幸不羈此去負平生是月胡入洛明年天隕星
夜行登灞陵恂恍靡所征雲海一翻蕩魚龍俱不寧
因浮襄江流遠寄鄱陽城鄱陽富學徒誚我顛無營
諭以詩禮義勗隨賓薦名舟車更滯留水陸互陰晴
曉望怯雲陣夜愁驚鶴聲悽悽指宋郊浩浩入秦京
沴氣旣風散皇威如日明方逢粟比金未識公與卿
十上不可待三年竟無成偶爲達者知揚我于王廷
素志且不立青袍徒見縈昏孱夙自保靜躁本殊形
始趨甘棠陰旋遇密人迎考實績無取責能才固輕
新豐古離宮宮樹鎖雲扃中復蒞茲邑往惟曾所經

繚垣何逶迤水殿亦崢嶸夜雨滴金砌陰風吹玉楹
官曹雖檢率國步日夷平命塞固安分禍來非有萌
因逢駭浪飄幾落無辜刑魏魏登壇臣獨正天柱傾
悄悄失途子分將秋草并百年甘守素一顧乃拾青
相逢十月交衆卉飄已零感舊諒戚戚問孤懇煒煒
侍郎文章宗傑出淮楚靈掌賦若吹籟司言如建瓴
郎中善餘慶雅韻與琴清鬱鬱松帶雪蕭蕭鴻入冥
員外真貴儒弱冠被華纓月香飄桂實乳溜滴瓊英
補闕思冲融巾拂藝亦精綠華威芳圃瑞雲凝翠屏
拾遺興難侔逸調曠無程九

貯彌潔三花寒轉馨

校書才智雄舉世娉婷睹墅鬼神變厲詞鸞鳳驚
差肩曳長裾總轡奉和鈴共賦瑤臺雪同觀金谷峯
倚天方比劍沉井忽如瓶神昧不可問天高莫爾聽
君持玉盤珠瀉我懷袖盈讀罷涕交頤願言躋百齡



唐盧戶部詩集卷第四

河中

盧綸允言

贈
訓李叔度秋夜喜相遇因傷關東寮友喪逝見

寒月照秋城
秋風泉澗鳴
過時見蘭蕙
獨夜感衰榮
酒散同移席
心悲似遠行
以愚求作友
何德敢稱兄
谷變波長急
松枯藥未成
恐看新髮色
怯問故人名
野澤雲陰散
荒原日氣生
羈飛本難定
非是惡弦驚

同李益傷秋

歲去人頭白
秋來樹葉黃
搔頭向黃葉
與爾共悲傷

白髮嘆

髮白曉梳頭女驚妻淚流不知絲色後堪得幾回秋

逢病軍人

行多有病住無糧萬里還鄉未到鄉蓬髮哀吟古城
下不堪秋氣入金瘡

一本作行
多無力

村南逢病叟

雙膝過頤頂在肩四隣知姓不知年卧驅烏雀惜禾
黍猶恐諸孫無社錢

七夕詩

同用期字

祥光若可求閨女夜登樓月露浩方下河雲凝不流

鉛華潛警曙機杼暗傳秋迴想斂餘睠人天俱是愁

七夕詩

同用期字

涼風吹玉露河漢有幽期星彩光仍隱雲容掩復離
良宵驚曙早閨歲怨秋遲何事金閨子空傳得網絲
長門怨

空空古廊殿寒月落斜暉卧聽未央曲滿箱歌舞衣

妾薄命

妾年初二八兩度嫁狂夫薄命今猶在堅貞掃地無
論開府席上賦得詠美人名解愁

不敢苦相留明知不自由頰眉乍欲語斂笑又低頭

舞態微燕醉歌聲似帶羞今朝總見也只要解人愁

王評事駙馬花燭詩 四首

萬條銀燭引天人十月長安半夜春步幃三千監將
斷幾多珠翠落香塵

一人女婿萬人憐一夜調踈抵百年為報司徒好將
息明珠解轉又能圓

人主人臣是親家千秋萬歲保榮華幾時曾向高天
得見今宵月裏花

比翼和鳴雙鳳凰欲棲金帳滿城香平明却入天泉
裏日氣曠曠五色光

和趙給事白蠅拂歌

華堂多衆珎白拂稱殊異柄裁沉節香襲人上結為
文下垂穗霜縷霏微瑩且柔虎鬚乍細龍髯稠皎然
素色不因染浙爾涼風非為秋群蠅青蒼恣遊息廣
庖萬品無顏色金屏成點下成駁晝眠宛轉空咨嗟
此時滿筵看一舉荻花忽旋楊花舞若如寒隼驚暮
禽颯若繁埃得輕雨上人說是故人留每誠如新比
白頭若將揮玩閑臨水願接波中一白鷗

蕭常侍瘦柏亭歌

柏之異者山中靈好人斷絕為君亭雲翻浪捲不可

識鳥獸成形花倒植莠苔舊點色尚青霹靂殘痕節
猶黑金貂主人漢三老講此窮年下朝早心規目製
不暫疲匠者受之無一詞清晨拂匣菱生鏡落日憑
闌星滿池橫薨閣供無斤跡根癭聯懸同素壁數層
亂瀉雲裏峰萬片半是雪中石重簾不動自飄香似
到瀛洲白玉堂水精如意方含色雲母屏風燭掩光
四堵綿綿被織草草上依微衆山道松間汲井湮翠
寒洞裏闌棊天景好愚僊敢欲賀成功鸞鳳棲翔固
不同應念瘞材今接地一枝思寄戶庭中

慈恩寺石磬歌

靈山石磬生海西海濤平處與山齊長眉老僧同佛
力呪使鮫人往求得珠完沉成綠浪痕天衣拂盡蒼
苔色星漢徘徊山有風禪翁靜扣月明中群仙下雲
龍出水鸞鶴交飛半空裏城精木魅不可聽落葉秋
砧一時起花宮杳杳響泠泠無數沙門昏夢醒古廊
燈下見行道踈林池邊聞誦經徒壯洪鐘祕高閣萬
金費盡工雕鑿豈如全質掛青松數葉殘雲一片峰
吾師寶之壽中國願同劫石無終極

送張郎中還蜀歌

秦家御史漢家郎親專兩印征殊方功成走馬朝天

子伏檻論邊若流水曉離仙署趨紫微夜接高傳讀
青史瀘南五將望君還願以天書示百蠻曲棧重江
初過雨前旌後騎不同山迎車拜舞多耆老舊卒新
營遍青艸塞口雲生火候避烟中鶴唳軍行早黃花
川下水交橫遠映孤霞蜀國晴印竹筍長椒瘴起荔
枝花發杜鵑鳴迴首岷峨半天黑傳觴接膝何由得
空令豪士仰威名無復貧交恃顏色垂楊不動雨紛
紛錦帳胡瓶爭送君須臾醉起簫笳發空見紅旌入
白雲

宴席賦得姚美人拍箏歌

出簾仍有鈿箏隨見罷離今恨識遲微妝皓腕纏紅
袖深遏朱絃低翠眉忽然高張應繁節玉指迴旋若
飛雪鳳簫韶管寂不喧綉幕紗窓儼秋月有時輕弄
和郎歌慢處聲遲情更多已愁紅臉能佯醉又恐朱
門難再過昭陽伴裏最聰明出到人間纔長成遙知
禁曲難翻處猶自君王說小名

陳栩郎中北亭送侯釗侍御賦得帶水流歌

溪中鳥鳴春景且一派寒冰忽開散壁方鏡員流不
斷白雲鱗鱗滿河漢疊處淺旋處深撇換寒魚上復
沉群鶯鼓舞揚清音主人有客簪白筆玉壺貯水光

如一持此贈君君飲之聖君識君冰玉姿

栖巖寺隋文帝馬腦盞歌

天宮寶器隋朝物鑱在金函比金骨開函捧之光乃
發阿脩羅王掌中月五雲如拳輕復濃昔曾喫酒今
藏龍規形環影相透徹亂雪繁花千萬重可憐貞質
無今古可嘆隋陵一坏土宮中艷女滿宮春得親此
寶能幾人一留寒殿殿將壞唯有幽光通隙塵山中
老僧眉似雪忍死相傳保局鑄

難縮刀子歌

黃金鞘裏青蘆葉麗若剪成銛且翬輕冰薄玉狀不

分一尺寒光堪決雲吹毛可試不可觸似有虫搜闕
裂文淬之幾墮前池水焉知不是蛟龍子割雞刺虎
皆若空願應君心逐君指并州難縮竟何人每成此
物如有神

鵬日觀咸寧王部曲姿勒擒豹歌

山頭曠曠日將出山下獵圍照初日前林有獸未識
名將軍促騎無人聲潛形踈伏草不動雙鵬轉旋群
鴉鳴陰方質子才三十譯語受詞蕃語揖捨鞍解甲
疾如風人忽虎蹲獸人立歟然扼顙批其頤爪牙委
地涎淋漓旣蘇復吼拗於絞仍怒果叶英謀生致之

拖自深叢目如電萬夫失容千馬戰傳呼賀拜聲相
連殺氣騰凌陰滿川始知縛虎如縛鼠敗虜降羌生
眼前祝爾嘉詞爾無苦獻爾將隨犀象舞苑中流水
禁中山期爾攫搏開天顏非熊之兆慶無極願紀雄
名傳百蠻

賦得白鷗歌送李伯康歸使

積水深源白鷗翩翩倒影光素于潭之間銜魚魚落
亂驚鳴爭撲蓮葉蓮葉傾爾不見波中鷗鳥閑無營
何必汲汲勞其生柳花冥濛大堤口悠揚相和乍無
有輕隨去浪杳不分細舞清風亦何有似君換得白
鷗時獨凭闌干雪蒲池今日還同看鷗鳥如何羽翮
復參差復參差海濤瀾漫何由期

皇帝感詞

四首

提劍雲雷動垂衣日月明禁花呈瑞色國老見星精
發棹魚先躍窺巢鳥不驚山呼一萬歲直入九重城

二

天香五鳳彩御馬六龍文雨露清馳道風雷翊上軍
高旂花外轉行漏樂前聞時見金鞭舉空中指瑞雲

三

妙算干戈止神謀宇宙清兩堦文物盛七德武功成

校獵長楊苑屯軍細柳營歸來獻明主歌舞隘春城

四

天樂下天中雲屏儼在空
鈿黃艷河漢語笑合笙鏞
已見長隨鳳仍聞不避熊
君王親試舞閭闔靜無風

唐盧戶部詩集卷第四

唐盧戶部詩集卷第五

河中 盧綸允言

天長久詞

三首州宮
中樂二首

玉砌紅花樹香風不敢吹春光解天意偏發殿南枝

天長久
萬年昌

虹橋千步廊半在水中央天子方親暑宮娃起夜粧

天長久
萬年昌

辭輦復當熊傾心奉六宮君王若看貌甘在衆妃中

天長久
萬年昌

雲日呈祥禮物殊彤庭生獻五單于塞垣萬里無飛

鳥可在邊城用郅都

臺殿雲深涼一作秋色微君王初賜六宮衣樓船泛罷

歸猶早行遣才人鬪射飛

和張僕射塞下曲 六章

鷺翎金僕姑燕尾繡螭弧獨立揚新令千營共一呼

二

林暗草驚風將軍夜引弓平明尋白羽沒在石稜中

三

月黑鴈飛高單于夜遁逃欲將輕騎逐大雪滿弓刀

四

野幕蔽瓊筵羗戎賀勞旋醉和金甲舞雷鼓動山川

五

調箭又呼鷹俱聞出世能奔狐將迸雉掃盡古丘陵

六

亭亭七葉貴蕩蕩一隅清他日題麟閣唯應獨不名

古艷詩 二首

殘粧色淺鬢髮開笑映朱簾覩客來推醉唯知弄花
鈿潘郎不敢使人催

自拈裙帶結同心暖處偏知香氣深愛捉狂夫問閑
事不知歌舞用黃金

孤松吟詠渾贊善

深山荒松枝雪壓半離披朱門青松樹萬葉乘清露
露重色逾鮮吟風似遠泉天寒香自發日麗影常圓
陰郊一夜雪榆柳皆枯折迴首望君家翠蓋滿瓊花
捧君青松曲自顧同衰木曲罷不相親深山頭白人

從軍行

二十在邊城軍中得勇名卷旗收敗馬占磧擁殘兵
覆陣烏鳶起燒山草木明塞閑思遠獵師老厭分營
雪嶺無人跡冰河有雁聲李陵甘此沒惆悵漢公卿
和馬郎中畫鶴贊

高高華亭有鶴在屏削玉點漆乘軒姓丁暮雲冥冥
雙垂雪翎晨光炯炯一直朱頂含音儼容絕粒遺影
君以為真相期緱嶺

送朝長史赴荆南舊幕

元瑜思舊幕幾夜夢旌旃暑退薰葭雨秋生鼓角天
月明三峽路浪裏九江船

送渭南崔少府歸徐郎中幕

葉下山邊路行人見自悲夜寒逢雪處日煖到村時
語少心長苦愁深醉自遲

寄鄭七綱

羨有幕中期

小來落托復迤邐一辱君知二十年捨去形骸容傲
慢引隨兄弟共團圓羈遊不定同雲聚薄宦相縈若
網牽他日吳公如記問願將黃綬比青氈

逢南中使因寄嶺外故人

見說南來處蒼梧接桂林過秋天更暖邊海日長陰
巴路緣雲出蠻鄉入洞深信迴人自老夢到月應沉
碧水通春色青山寄遠心炎方難久客爲爾一沾襟
代員將軍罷戰後歸舊里贈朔北故人

結髮事壇場全生俱到鄉連雲防鐵嶺同日破漁陽
牧馬胡天晚移軍磧路長枕戈眠古戍吹角立繁霜

歸老勲仍在酬恩虜未忘獨行過邑里多病對農桑
雄劍依塵橐陰符寄藥囊空餘麾下將猶逐羽林郎

江北憶世汶

夜問江西客未知在楚鄉全身出部伍盡室逐漁商
晴日遊瓜步新年對漢陽月昏驚浪白瘴起覺雲黃
望嶺家何處登山泪幾行閩中傳有雪應且住南康
早春歸盤屋舊居却寄耿拾遺締李校書端

野日初晴麥壟分竹園相盡鹿成群萬家廢井生新
草一樹繁花對古墳引水忽驚氷滿澗向田空見石
和雲可憐荒歲青山下惟有松枝好寄君

春日山中憶崔峒吉中孚

一本作寄李舍人

延步愛清晨空山日照春
蜜房那有主石室自無隣
泉急魚依藻花繁鳥近人
誰言失徒侶唯與老相親
客舍喜崔補闕司空拾遺訪宿

步月訪諸隣蓬居宿近臣
弊裘先醉客清鏡早朝人
壞壁烟垂網香街火照塵
悲榮俱是分吾亦樂吾貧
苦雨聞包諫議欲見訪戲贈

草氣厨烟咽不開統床連壁盡
生苔常時多病因多雨那敢煩君車馬來

客舍苦雨即事寄錢起郎士元二員外

積雨暮淒淒羈人獨自栖
響空宮樹接覆水野雲低
穴蟻多隨草巢蜂半墜泥
迹池墻蘚合擁溜瓦松齊
舊圃平如海新溝曲似溪
壞關留衆蝶歌榭止群鷄
芳盛終無實槎枯返有萸
綠萍藏廢井黃葉隱危堤
閭里歡將絕朝昏望亦迷
不知霄漢侶何路可相携

一本云何路事攀躋

郊居對雨寄趙涓吉士包佶郎中

暑雨青山裏隨風到野居
亂漚浮曲砌懸溜滴前除
塵鏡愁多掩蓬頭懶更梳
夜窓淒枕席陰壁潤圖書
瀟颯宜新竹龍鍾拾野蔬
石泉空自咽藥圃不堪鋤

濁水滄深輒荒蘭擁敗渠繁枝留宿鳥碎浪出寒魚
桑屐時登望荷衣自卷舒應憐在泥滓無路託高車
藍溪期蕭道士採藥不至

春風生百藥幾處木苗香人遠花空落溪深日復長
病多知藥性老近憶仙方青節何由見三山桂自芳
雪謗後書事上皇甫大夫

盛德總群英高標仰國楨獨安巡狩日曾掩趙張名
業就難辭寵朝田更授兵曉川分牧馬夜雪覆連營
長策威殊俗嘉謀翊聖明畫圖規陣勢夢筆紀山行
綬拂池中影珂搖竹外聲賜歡徵妓樂陪醉問公卿

却憶經前事翻疑得此生分深存沒感恩在子孫榮
覽鏡愁將老捫心喜復驚豈言沉疾重但覺殺身輕
有淚沾墳典無家集弟兄東西遭世難流浪識交情
閱古宗文舉推才慕正平應憐守貧賤又欲事躬耕
春日憶司空文明

桃李風多日欲陰百勞飛起落花深貧居靜處難逢
信知隔春山不可尋

卧病寓居龍興觀枉馮十七著作書知罷攝洛
陽赴緱氏因題十四韻寄馮生并贈喬尊師

時予罷
推官

乞假依山宅蹉跎屬歲周弱夷輕採拾鈍質稱歸休
潘岳衰將至劉楨病未瘳步違乘羽客起宴滯書郵
幸以編方驗終貽骨肉憂灼龜爐氣冷曝藥樹陰稠
語命心堪醉傷離夢亦愁葷羶居已絕鸞鶴見無由
世累如塵積年光劇水流躡雲知有路濟海豈無舟
倚玉翻成難投磚敢望訓卑棲君就祿羸憊我逢爍
腐葉填荒轍陰螢出古溝依然在遐想願子勵風猷

秋夜寄馮著作

河漢爭無雲鴻聲此夜聞素心難比石蒼髮欲如君
露槿月中落風螢池上分何言十載友同迹不同群

洛陽早春憶吉中孚校書司空曙主簿因寄清

江上人

值迴逢高駟馬頻靈晴閉看洛陽春常將報遠同芳
信仰色邀歡似故人酒貌昔將花共艷髮毛今與草
爭新年來百事皆無緒唯與湯師結淨因

偶逢姚校書憑附書達河南鄉雜官因以戲贈
寄書常切到常遲今日憑君莫寄辭若問玉人殊易
識蓮花府裏最清羸

唐盧戶部詩集卷第五



國家圖書館, NATIONAL CENTRAL LIBRARY, TAIWAN, R.O.C.

唐盧戶部詩集卷第六

河中

盧綸允言

夜中得循州趙司馬侍郎書因寄回使

瘴海寄雙魚中宵達我居
兩行燈下淚一紙嶺南書
地說炎蒸極人稱老病餘
殷勤報賈傅莫共酒杯踈

晚次新豐北野老家書事呈贈韓質明府

機鳴春響日暎暎雞犬相和漢
古村數派清泉黃菊
盛一林寒露紫梨繁衰翁正席矜
新社稚子齊襟讀
古論共說年來但無事不知何者是君恩

書情上大尹十兄

紫陌絕纖埃油幢千騎來剖辭紛若雨
聖澤初憂壅群心本在台海鱗方撥刺雲翼暫徘徊
芳室芝蘭茂春溪桃李開江湖餘派少鴻雁遠聲哀
命厭著龜諺年驚弟姪催磨鉢慙砥礪揮策愧駑駘
玉管能喧谷金爐可變灰應憐費思者銜淚亦銜枚

春思貽李方

長安三月春難別復難親不識冶遊伴多逢憔悴人
漸知權淡薄轉覺老殷勤去矣盡如此此辭悲未陳
驛中望山戲贈渭南陸贊主簿

官微多懼事多同拙性偏無主驛功山在門前登不

得鬢毛衰盡路塵中

太白西峰偶宿車祝二尊師石室晨登前巘憑

眺書懷即事寄呈鳳翔齊員外張侍御

弱齡誠昧鄙遇盛唯求止如何羈滯中得步青冥裏
青冥有桂叢冰雪兩仙翁毛節未歸海丹梯閑倚空
逍遙擬上清洞府不知名醮罷雨當至客辭山忽明
山明鳥聲樂日氣生崑壑崑壑樹脩脩白雲如水流
白雲消散盡寒隴儼然秋積阻關河固綿聯烽戍稠
五營承廟略四野失邊愁吁嗟繫塵役又負靈仙迹
芝朮自芳香泥沙幾沉溺書此欲沾衣平生事每違

烟霄不可仰鸞鶴自追隨

贈韓山人

見君何事不慙顏白髮生來未到山更嘆無家又無藥
往來唯在酒徒間

贈李果毅

向日磨金鏃當風着錦衣上城邀賊語走馬截鵬飛

春日書情贈別司空曙

壯志隨年盡謀身意未安風塵交契絕老大別離難
臘近晴多暖春遲夜却寒誰堪少兄弟三十又無官
冬曉呈隣里

終夜寢水冷開門思曙光空塔一藜葉華室四隣霜
望闕覺天迴憶山愁路荒途中一留滯雙鬢颯然蒼
首冬寄河東昭德里書事貽鄭損倉曹

清冬和暖天老鈍書多眠日愛閭巷靜每聞官吏賢
寒菹供家食腐藥宿厨烟且復執杯酒無煩輕議邊

渾贊東善齋戲贈陳歸

長裾珠履颯輕塵間以琴書列上賓公子無雙言可邀
請侯嬴此坐是何人

春日卧病示趙李黃時陷在賊中

病中饒泪眼常昏聞說花開亦閉門語少漸知琴思

苦卧多唯覺鳥聲喧黃埃滿市圖書賤黑霧連山虎
豹尊今日支離顧形影向君凡在幾重恩

秋幕中夜獨坐遲明因陪陳翊郎中晨謁上公
因書即事兼呈同院諸公

風淒露泫然明月在山巔獨倚古庭樹仰看深夜天
葉翻螢不定虫思艸無邊南舍機杼發東方雲景鮮
簪裘肅已整車騎儼將前百雉拱雙戟萬夫尊一賢
琳琅多謀蘊律呂更相宣曉桂香過露新鴻晴滿川
熙熙造功化穆穆唐堯年顧已草同賤誓心金匪堅
臺辭慙自寔渴病老難痊書此更何問邊韶唯晝眠

寄贈庫部王郎中

時充折
糴使

諤諤漢名臣從天令若春
敎辭皆詔旨稱宦即星辰
草木承風偃雲雷施澤均
威德治粟尉恩洽讓田人
泉貨方將散京坻自此陳
五營俱益竈千里不停輪
未遠金門藉旋清玉塞塵
碩儒推慶重良史頌公頻
鶴髮逢新鏡龍門躍舊鱗
荷君備有問深感浩難申

寄贈暢當山居

古村荒石路歲宴獨言歸
山雪厚三尺社榆麓十圍
虬龍寧守蟄鸞鶴豈矜飛
君子固安分毋聽勞者譏

偶宿山中憶暢當

深山夜雪晴坐憶曉山明讀易罷三卷彈琴當五更
薜蘿粘有影崑壑凍無聲此夕一相望君應知我誠

秋中野望寄舍弟綬無令呈上西川尚書舅

憂來思遠望高處殊非愜夜露濕蒼山秋陂滿黃葉
人隨雁迢遞棧與雲重疊骨肉暫分離形神遂疲薶
紅旌涓陽騎幾日勞登步蜀道謁松筠巴江盛舟楫
小生即何限簡誨偏盈篋舊恨尚填膺新悲復縈睫
因求種瓜利自喜歸耕捷并曰賴依隣兒童亦勝汲
塵容不在照雪髮那堪鐫唯有滄霞心知未與天接
行藥前軒呈董山人

不覺老將至瘦來方自驚朝昏多病色起坐有勞聲

腠暖苦晴痒藏虛惟耳鳴桑公富靈術一為保餘生

韻春因寄馮衛二補闕戲呈李益

時君與李新除侍御事

掖垣春色自天來紅藥當階次第開萱草藂藂爾何
物等閑穿破綠莓苔

新移北廳因貽同院諸公兼呈暢博士

華軒邇台座顧影忝時倫弱質假彌曠清風來亦頻
恩輝坐凌邁景物恣芳新終乃愧吾友無容私此身
與張擢對酌

張翁對盧叟一榼山村酒傾酒請予歌忽蒙張翁呵

呵予官非屈曲有怨詞多歌罷謝張翁所思殊不同
予悲方為老君責一何空曾看樂官錄向是悲翁曲
張老聞此詞汪汪泪盈目盧叟醉言麓一杯凡數呼
迴頭顧張老敢欲戲為儒

喜從弟激初至

偽服策羸車惠然過我廬敘年慙已長稱從意何踈
作吏清無比為文麗有餘應嗤受恩者頭白讀兵書

尋賈尊師

玉洞秦時客焚香映綠蘿新傳左慈訣曾與右軍鵞
井白陰苔遍方書古字多成都今日雨曾與酒相和

秋中過獨孤郊居

即公主子

門園過水到郊居共引家童拾野蔬高樹夕陽連古
巷菊花梨葉滿荒渠秋山近處行過寺夜雨寒時起
讀書帝里諸親別來久豈知王粲愛樵漁

同耿拾遺春中題第四郎新修書院

一作同錢
員外春中

題薛載少
府新書院

得接西園會多因野性同引藤連樹影移石間花叢
學就晨昏外歡生禮樂中春遊隨墨客夜宿伴潛公
散帙燈驚燕開簾月帶風朝朝在門下自與五侯通
春日題杜叟山下別業

百鳥群飛山半晴
渚田相接有泉聲
園中曉露青叢
合橋上春風綠野明
雲影斷來峰影出
林花落盡草
花生今朝醉舞同
君樂始信幽人不愛榮

過終南柳處士

王老正相尋
園基到煮金石
摧并井閑月過洞門深
猿鳥三時下
藤蘿十里陰
綠泉多草氣
青壁少花林
自愧非仙侶
何言見道心
悠悠宿山口
雷雨夜沉沉

宿程上人院

竹窓聞遠水
月出似溪中
香覆經年火
幡飄後夜風
性昏知道晚
學淺喜言同
一悟歸身處
何山路不通

題李沆林園

古巷牛羊出重門
接柳陰閑看入竹路
自有向山心
種藥齊幽石
耕田到遠林
願同詞賦客
得興謝家深

唐盧戶部詩集卷第十一

過司空曙村居

河中

盧綸允言

南北與山隣蓬菴庇一身繁霜疑有雪枯草似無人
遂性在耕稼所交唯賤貧何言張祿傲每重德璋親
題念濟寺暈上人院

泉響竹蕭蕭潛公居處遙虛空聞偈夜清淨雨花朝
放鶴臨山閣降龍步石橋世塵徒委積劫火定焚燒
苔壁雲難聚風篁露易搖浮生亦無着况乃是芭蕉
題楊虢縣竹亭

夜宿密公室話餘將晝興遶堦三逕雪當戶一池水
家訓資風化心源隱政能明朝復何見葉草古溝塍

過觀樓李尊師

城闕望烟霞常悲仙路賒寧知樵子逕得到葛洪家
犬吠松間月人行洞裏花留詩千歲鶴送客五雲車
訪世山空在觀碁日未斜不知塵俗士誰解種胡麻
雪謗後逢李叔度

相逢空握手往事不堪思見少情難盡愁深語自遲
草生分路處雨散出山時強得寬離恨唯當說後期

春日過李侍御

高柳滿春城東園有鳥聲折花朝露滴漱石野泉清
心許陶家醉詩逢謝客呈應憐末行吏曾是魯諸生

出山逢耿緯

雲雪離披千萬重別來曾住最高峰暫到人間歸不
得長安陌上又相逢

題金吾郭將軍右伏茅堂

雲戟曙沉沉軒墀清且深家傳成棟美堯寵結茅心
玉珮多依石油幢亦在林鑪香諸洞暖殿影衆山陰
草奏風生筆筵開雪滿琴客從龍闕至僧自虎溪尋
瀟洒延清賞週流會素襟終朝息塵步一醉間華簪

題賈山人園林

竹影朦朧松影長，素琴清簟好風涼。
連春詩會烟花滿，半夜酒醒蘭蕙香。
五字每將稱玉友，一樽曾不顧金囊。
長沙流謫君非遠，莫遣英名負洛陽。

秋夜同暢當宿藏公院

禮足一番淚，醫王知病由。
風螢方喜夜，露槿已傷秋。
顧以兒童愛，每從仁者求。
將祈竟何得，滅跡在緇流。
重同暢當樊公院聞琴

悞以音聲祈，遠公請將徽。
軫付秋風漾，漾破流吹不盡。
月華如在白波中。

同耿緯宿陸豐旅舍

當軒雲月開，清夜故人杯。
擁褐覺霜下，抱琴聞雁來。
迎風君顧步，臨路我遲迴。
雙鬢共如此，此懽非易陪。
題苗員外竹間亭

高甃絕行塵，開簾似有春。
風傾竹上雪，山對酒邊人。
步暖先逢日，書空遠見隣。
還同內齋暇，登賞及諸姻。
奉陪侍中登白樓

高樓倚玉梯，朱檻與雲齊。
顧盼親霄漢，談諧息鼓鼙。
洪河迴更直，野雨急仍低。
今日陪罇俎，唯當醉似泥。
九日奉陪侍郎登白樓

碧霄孤鶴發清音上宰因添望闕心埤堦三層連步
障茱萸一朶映華簪紅霞似綺河如帶白露團珠菊
散金此日所從何所問儼然冠蓋擁成林

春日喜雨奉和馬侍中宴白樓

鶴鶴相呼綠野寬鼎臣閑倚玉闌干洪河擁沫流仍
急蒼嶺如雲色更寒艷艷風光呈瑞歲泠泠歌頌振
瑠盤今朝醉舞同鄉老不覺傾斜獬豸冠

奉陪侍中遊石筍溪十二韻

朝日照靈山山溪浩紛錯圖秦無舊記紀禹應新鑿
雙壁瀉天河一峰吐蓮萼潭心亂雪卷崑腹繁珠落

彩蛤攢錦囊芳蘿嫋花索猿群曝陽嶺龍穴腥陰壑
靜得漁者言閑聞洞仙博歆松倚朱憇廣石屯油幕
國泰事留侯山春縱康樂間關殊狀鳥爛熳無名藥
欲驗少君方還吟大隱作旌幢不可駐古塞新沙漠
九日奉陪侍中宴白樓

露白菊氛氳西樓盛麗文玉筵秋令節金鉞漢元勳
說劒風生座抽琴鶴遶雲諛儒無以答願得備前軍
九日奉陪侍中宴後亭

玉壺傾菊酒一顧得淹留彩筆徵枚叟花筵舞莫愁
管絃能駐景松桂不停秋為謝蓬蒿輩如何霜霰稠

九日奉陪令公登白樓同詠菊

瓊樽猶有菊可以獻留侯願比三花秀非同百卉秋
金英分藥細玉露結房稠黃雀知恩在街飛亦上樓
奉陪侍中上巳日泛渭河

青舸錦帆開浮天接上台晚鶯和玉笛春浪動金壘
舟楫方朝海鯨鯢自曝腮應憐似萍者空逐榜人回
奉陪侍中春日過武安君廟

長裾間貔虎遺廟盛攀登白羽三千騎紅林一萬層
元臣達幽契祝史告明徵撫坐悲今古瞻容感廢興
迴風卷蘂栢驟雨濕諸陵倏忽烟花霽當營看月生

過玉貞公主影殿

夕照臨窓起暗塵青松繞殿不知春君看白髮誦經
者半是宮中歌舞人

題嘉祥殿南溪印禪師壁画影堂

雙屨參差錫杖斜衲衣交膝對天花瞻容悟問脩持
劫似指前溪無數沙

題伯夷廟

中條山下黃礪石壘作夷齊廟裏神落葉滿堦塵滿
座不知澆酒是何人

早春遊樊川野居却寄李端校書夜呈崔峒補

關司空曙主簿耿緯拾遺

白水遍溝塍青山對杜陵
晴明人望鶴曠野鹿隨僧
古柳連巢折荒堤帶草崩
陰橋全覆雪瀑溜半垂水
鬪鼠搖松影遊龜落石層
韶光偏不待衰敗乃相仍
桂樹曾爭折龍門幾共登
琴師阮校尉詩和桺吳興
舐筆求書扇張屏看画蠅
卜隣空遠約問卦獨無徵
投足經危路收才遇直繩
守農窮自固行樂病何能
掩帙蓬蒿晚臨川景氣澄
颯然成一叟誰更慕騫騰

同錢郎中晚春過慈恩寺

不見僧中舊仍逢雨後春
惜花將愛寺俱是白頭人

曲江春望

三

菖蒲翻葉柳交枝
暗上蓮舟鳥不知
更到無花取深處
玉樓金殿影參差
翠黛紅粧画鷁中
共驚雲色帶微風
簫管曲長吹未盡
花南水北雨濛濛

泉聲遍野入芳洲
擁沫吹花草上流

一作上碧流

落日行人漸無路

巢

乳燕滿尚樓

春日陪李庶子遵善寺東院曉望

映竹水田分當山起雁群
陽峰高對寺陰井下通雲
雪晝唯逢鶴花時此見君
由來禪誦地多有謝公文

華清宮 二首

漢家天子好經過
白日青山宮殿多
見說只今生草
處禁泉荒石已相和

水氣朦朧滿画梁
一迴開殿滿山香
宮娃幾許經歌舞
白首翻令憶建章

題興善寺後池

隔窓樓白鳥似與鏡湖隣
月照何年樹花逢幾遍人
岸莎青有路苔徑綠無塵
永願容居止僧中老此身
陪中書李紆舍人夜泛東池

看月復聽琴移舟出樹陰
夜村機杼急秋水芰荷深

石靜龜潛上萍開果暗沉
何言奉杯酒得見五湖心
宴趙氏昆季書院因與會文并率爾投贈

詩禮挹餘波相懽在琢磨
琴樽方會集珠玉忽駢羅
謝族風流盛千門福慶多
花擷騏驎櫪錦綉鳳凰窠
詠雪因饒妹書經為愛鴛
仍聞廣練被更有遠儒過

唐盧戶部詩集卷第七

唐盧戶部詩集卷第八

河中

盧綸允言

題天華觀

峰嶂徘徊霞景新一潭寒水絕纖鱗
朱字靈書千萬軸蒼髯道士兩三人
芝童解說壺中事玉管能留天上春
眼見仙丹求不得漢家簪綬在羸身

宿石瓮寺

殿有寒燈草有螢千林萬壑寂無聲
烟凝積水龍蛇蟄露濕空山星漢明
昏靄霧中悲世界曙霞光裏見王城
迴瞻相好因垂淚苦海波濤何日平

題悟真寺

萬峰交掩一峰開
曉色常從天上來
似到西方諸佛國
蓮花影裏數樓臺

題雲際寺上方

松高蘿蔓輕中有石床平
下界水常急上方燈自明
空門不易啓初地本無程
迴步忽山盡萬緣從此生
九日同司直九叔崔侍御登寶雞南樓

把菊嘆將老上樓悲未還
短長新白髮重疊舊青山
霜氣清衿袖琴聲引醉顏
竹林唯七友何幸亦登攀
同王員外雨後登開元寺南樓因寄西巖警上人

人

過雨開樓看晚虹
白雲相逐水相通
寒蟬噪暮野無日
古樹傷秋天有風
數穗遠烟疑壠上一枝繁
果憶山中何言暫別東
隣友惆悵人間事不同

同趙進馬元陽春日登長春宮古城望河中因寄鄭損舍曹

損進馬之舅

城頭春靄曉濛濛
指望關橋滿袖風
雲騎閑嘶宮柳外
玉人愁立草花中
鐘分寺路山光綠
河繞軍州日氣紅
跡忝方戀賞此時離恨與君同

同崔峒補闕慈恩寺避暑

寺涼高樹合卧石綠陰中伴鶴慙仙侶依僧學老翁
魚沉荷葉露鳥散竹林風始悟塵居者應將火宅同

春日登樓有懷

花正濃時人正愁逢花却欲替花羞年來笑伴皆歸
去今日清明獨上樓

長安春望

東風吹雨過青山却望千門草色閑家在夢中何日
到春生江上幾人還川原繚繞浮雲外宮闕參差落
照間誰念為僞逢世難獨將衰髮客秦關

冬中登城樓有懷因贈程騰

生涯何事多羈束賴此登臨暢心目郭南郭北無數
山萬井逶迤流水間彈琴對酒不知暮岸憤題詩身
且閑風聲蕭蕭雁飛絕雲色茫茫欲成雪遙思海客
天外歸坐想征人兩頭別世情多以風塵隔泣盡無
因畫籌策誰知白首窓下人不接朱門坐中客賤亦
不足嘆貴亦不足陳長卿未遇楊朱泣蔡澤無媒原
憲貧如今萬乘方用武國命天威借貔虎窮達皆爲
身外名公侯可廢刀頭取君不見漢家邊將在邊庭
白羽三千出井陘當風看獵擁珠翠豈在終年窮一
經

過仙遊寺

上方下方雪中路白雲流水如閑步數峰行盡猶未
歸寂寞經聲竹陰暮

同路郎中韓侍御春日題野寺

寺前山遠古陂寬寺裏人稀春草寒何事寂堪悲色
相折花將與老僧看

登和李益遊栖霞寺

林香雨氣新山寺綠無塵遂結雲外賞共遊天上春
鶴鳴金闕麗僧語竹房隣待月水流急惜花風起頻
何方非壞境此地有歸人迴首空門路皓然一幻身

秋夜同暢當宿潭上西亭

圓月出山頭七賢林下遊
梢梢寒葉墜灑灑月波流
鳧鷖共思曉菰蒲相與秋
明當此中別一爲望汀州
山中一絕

飢食松花渴飲泉偶從山後到山前陽坡草軟厚如
織因一作與鹿麕相伴眠

與暢當夜泛秋潭

螢火颺蓮葉涼多夜風離人將落葉俱在一船中
秋夜宴集陳雄郎中園亭美校書郎張正元歸

鄉

泉清蘭菊稠紅果落城溝保慶臺榭古感時琴瑟秋
碩儒歡頗至各士禮能周爲謝邑中少無驚池上鷗
春遊東潭

移舟試望家漾漾似天涯日暮滿潭雪白鷗和柳花
同薛存誠登栖霞寺

衰蹇步難前上山如上天塵泥來自晚猿鶴到何先
萬壑應孤磬百花通一泉蒼蒼此明月下界正沉眠

河中府崇福寺看花

園道山花如火紅平明登寺已經風老僧無見亦無
說應與看人心不同

冬日宴郭監林亭

玉勒聚如雲森森鸞鶴群據梧花罽接沃漉石泉分
華味慙初識新聲喜盡聞此山招老賤敢不謝夫
和李舍人昆季詠玫瑰花寄贈徐侍郎

獨鶴寄烟霜雙鸞思晚芳舊陰依謝宅新艷出蕭牆
蝶散搖輕露鶯銜入夕陽雨朝勝濯錦風夜劇焚香
斷日千層艷孤霞一片光密來驚葉少動處覺枝長
布影期高賞留春爲遠方當聞贈瓊玖叨和愧升堂

一片又
作萬片

同耿緯司空曙二拾遺題韋員外東齋花樹

綠砌紅花樹狂風獨未吹光中疑有燄密處似無枝
鳥動香輕發人愁影屢移今朝數片落為報漢郎知

觀袁係侍郎漲新池

一作崔郎中

引水香山近穿雲復遶林纔聞籬外響已覺石邊深
瀟灑侵苔色澄來見柳陰微風月明夜知有五湖心
和徐法曹贈崔洛陽斑竹杖以詩見答

玉幹一尋餘苔花鯨不如勁堪和醉倚輕好向空書
採拂稽山曲因依糲氏居芳辰將獨步豈與此君踈
仲秋望華清宮中樹因以成詠

可憐雲木藂滿禁碧濛濛色潤靈泉近陰清輦路通

玉壇標八柱金井識雙桐交映凝寒露相知起夜風
數枝盤石上幾葉落雲中燕拂宜秋霽蟬鳴覺晝空
翠屏更隱見珠綴共玲瓏雷雨成生早樵蘇禁令雄
野藤高助綠仙果迥呈紅惆悵繚垣暮茲山聞暗蛩
小魚詠寄涇州楊侍郎

蓮花影裏暫相離纔出浮萍值苦師上得龍門還失
浪九江何處是歸期

賊中與嚴越卿曲江看花

紅枝欲折紫枝殷隔水連宮不用攀會待長風吹落
盡始能開眼向青山

同暢當詠蒲團

團團錦花結乃是前溪蒲擁坐稱僞褐倚眠宜病夫
唯當學禪寂終老與之俱

焦籬店醉題

時者弄邵翁伯

洛下渠頭百卉新滿筵歌笑獨傷春何須更弄邵翁
伯即我此身如此人

陳翊中丞東齋賦白玉簪

美矣新成太華峰翠蓮枝折葉重重松陰滿澗閑飛
鶴潭影通雲暗上龍漠漠木香風頗馥涓涓乳溜味
何濃因聲遠報浮丘子不奏登封時不容

新茶詠寄上西川相公二十三舅大夫二十舅
三獻蓬萊始一嘗日調金鼎閱芳香貯之玉合才半
餅寄與阿連題數行

泊楊子江岸

山映南徐暮千帆入古津魚驚出浦火月照渡江人
清鏡催雙鬢滄波寄一身空憐莎草色長接故園春

晚次鄂州

至德中作

雲開遠見漢陽城猶是孤帆一日程估客晝眠知浪
靜舟人夜語覺潮生三湘愁鬢逢秋色萬里歸心對
月明舊業已隨征戰盡更堪江上鼓鼙聲

夜投豐德寺謁海上人

半夜峰中有磬聲
偶逢樵者問山名
上方月曉聞僧語
下路林疎見客行
野鶴巢邊松竅老
毒龍潛處水偏清
願得遠公知姓字
焚香洗鉢過浮生

江行次武昌縣

家寄五湖間
扁舟往復還
年年生白髮
處處上青山
去國空知遠
安身竟不閑
更悲江畔柳
長是北人攀

夜泊金陵

圓月出高城
蒼蒼照水營
江中正吹笛
樓上又無更
洛下仍傳箭
關西欲進兵
誰知五湖外
諸將但爭名

渡浙江

前船後船未相及
五兩頭平北風急
飛沙卷地日色昏
一半征帆浪花濕

唐盧戶部詩集卷第九

送李端公

河中

盧綸允言

故關衰草遍離別自堪悲
路出黃雲外人歸暮雪時
少孤為客早多難識君遲
掩淚空相向風塵何處期

秋晚山中別業

樹老野泉清幽人好獨行
去閑知路靜歸晚喜山明
蘆葦通荒井牛羊出古城
茂陵秋寂冷誰念一書生

關口逢徐邁

廢寺連荒壘那知見子真
關城夜有雪冰渡曉無人

酒裏唯多病山中願作隣常聞兄弟樂誰肯信家貧

山中詠古木

高木已蕭索夜雨復秋風墜葉鳴藜竹斜根擁斷蓬
半侵山影裏長在水聲中此地何人到雲門去亦通

酬李端公野寺病居見寄

野寺鐘昏山正陰亂藤高竹水聲深田夫就餉還依
草野雉鷲飛不過林齋沐暫思同靜室清羸已覺助
禪心寂寞日長誰問疾料君惟取古方尋

送少微上人遊蜀

瓶鉢繞禪衣連宵宿翠微樹開巴水遠山曉蜀星稀

識遍中朝貴多諳外學非何當一傳付道侶願知歸

送寧國夏侯丞

楚國青蕪上煠雲似白波五湖長路少九派亂山多
謝守通詩宴陶公許醉過無錢餞離阻年髣兩蹉跎

送袁侗

諫獵名空久多因病與貧買書行幾市帶雨別何人
客路山連水軍州日映塵淒涼一分手俱恨老相親

贈別李紛

頭白乘驢懸布囊一迴言別泪千行兒孫滿眼無歸
處唯到樽前似故鄉

罪所送苗員外上都

謀身當議罪寧遣友朋聞禍近防難及愁長思未分
寂寥驚遠語幽閉望歸雲親戚如相見唯因泣向君
送李校書赴東川幕

泥坂望青城浮雲與棧平字形知國號眉勢識山名
編簡塵封閣戈鋌雪照營男兒須聘用莫信筆堪耕
至德中贈內兄劉棨

時難訪親戚相見喜還悲好學年空在從戎事已遲
聽琴泉落處步履雪深時惆悵多邊信青山共有期
春日灞亭同苗員外寄侍御

坐見春雲暮無因報所思川平人去遠日暖雁飛遲
對酒山長在看花鬢自衰誰堪登灞岸還作舊鄉悲
送顏推官遊銀夏謁韓大夫

叢叢叫塞笛滿眼寒山青才子樽前畫將軍石上銘
獵聲雲外響戰血雨中腥苦樂從來事因君一涕零

咸陽送房濟侍御歸太原幕

昔嘗與濟同遊此邑

舊居無舊隣似見故園春復對別離酒欲成衰老人
客衣頻染泪軍旅亦多塵握手重相勉平生心所因
寶泉寺送李益端公歸邠寧幕

參差崑陣東雲日是龍宮石淨非因雨松涼不為風

戀泉將鶴並偷果與猿同眼界塵雖染心源路已通
蓮花固何恨貝葉自無窮早晚登麟閣慈門欲付公

送何召落第歸蜀

褰斜行遠客棧道響危空路濕雲初上山明日正中
水程通海貨地利雜吳風一別金門遠何人復薦雄

宿定陵寺

寺在陵內

古塔荒臺出禁墻磬聲初盡漏聲長雲生紫殿幡花
濕月照青山松栢香禪室夜聞風過燭真筵朝啓露
沾裳誰悞威靈同寂滅更堪砧杵發昭陽

送彭開府往雲中覲使君兄

西二代真非是主恩偏被虜山名在承家釣蕪金

貂帳側射虎雪林前雁塞逢兄弟雲州發管絃

光帶日枯草淨無烟儒者曾脩武因貽上將篇

送李綰

舊國仍連五將管儒衣何處謁公卿波翻遠水蕪葭
散路入寒村機杼鳴嵇康書論多歸興謝氏家風有
學名爲問西來雨中客空山幾處是前程

送內弟常宗仁歸信州覲省

常嗟外族弟兄稀轉覺心孤是送歸醉掩壺觴人有
泪夢驚波浪日無輝烹魚綠岸烟迷草摘橘青溪露

濕衣聞說江樓長卷幔幾迴風起望胡威

長安疾後首秋夜即事

九重深鎖禁城秋月過南宮漸映樓紫陌夜深槐露
滴碧空玉盡火星流清風刺漏傳三殿甲第歌鐘樂
五侯楚客病來鄉思苦寂寥燈下不勝愁

唐盧戶部詩集卷第十一

送崔琦赴宣州幕

五馬臨流待幕賓，羨君談笑出風塵。
身閑就養寧辭遠，世難移家莫厭貧。
天際曉山三峽路，津頭臘市九江人。
何處遙知最惆悵，滿湖青草雁聲春。

送楊皞東歸

登樓掩泣話歸期，楚樹荆雲發遠思。
日裏揚帆聞戍鼓，舟中酌酒見山祠。
西江風浪何時盡，北客音書欲寄誰。
若說湓城楊司馬，知君望國有新詩。

河中

盧綸允言

至德中途中書事却寄李儋

亂離無處不傷情，况復看碑對古城。
路遠寒山人獨去，月臨秋水雁空驚。
顏衰重喜歸鄉國，身賤多慚問姓名。
今日主人還共醉，應憐世故一儒生。

奉和太常王卿酬中書李舍人中書寓直春夜

對月見寄

露如輕雨月如霜，不見星河見雁行。
虛暈入池波自泛，滿輪當苑桂多香。
春臺幾望黃龍闕，雲路寧分白玉郎。
是■巴歌應金石，豈殊螢■對清光。

詔包郎中覽卷後見寄

令伯支離晚讀書，豈知詞賦稱相如。
枉逢花木無新思，拙珂溪潭損舊居。
禁路看山歌自緩，雪司玩月漏應踈。
沉憂敢望金門召，空媿巴歛並子虛。

送史宥滑州謁賈僕射

朱門洞啓儼行車，金鑄裝囊半是書。
君向東州問徐胤，羊公何事滅吹魚。

送鮑中丞赴太原

分路引鳴騶，喧喧似隴頭。
暫移西掖望，全解北門憂。
專幕臨都護，分曹制督郵。
積米營不下，盛雪獵方休。
白草連胡帳，黃金擁戍樓。
今朝送旌旆，一減魯儒羞。

送耿拾遺締充括圖書使往江淮

傳令收遺籍諸儒喜餞君孔家唯有地禹穴但生雲
編簡知還續重書亦自分如逢北山隱一為謝移文
送郭判官赴振武在代州

黃河九曲流繚繞古邊州鳴雁飛初夜羌胡出晚秋
淒涼金管思迢遞玉人愁七葉推多慶須臾殺敵憂

春江夕望

洞庭芳草遍楚客莫思歸經難人空老逢春雁自飛
東西兄弟遠存沒友朋稀獨立還垂淚天南一布衣
送元昱尉義興

欲成雲海別一夜夢天涯白浪江江雨青山繞縣花
風標當劇步冠帶稱儒家去矣謝親愛知予髮已華

送黎兵曹往陝府結親

所昏即君從母女弟

郎馬兩如龍春朝上路逢鴛鴦初集水薜荔欲依松
步帳歌聲轉粧臺燭影重何言在陰者得是戴侯宗

送樂平苗明府

累職比柴桑清秋入楚鄉一船燈照浪兩岸樹凝霜
亭吏趨寒霧山城歛曙光無辭折腰久仲德在鴛行

晚到蓋屋耆老家

老翁曾舊識相引出柴門苦話別時事因尋溪上村

數年何處客近日幾家存
冒雨看禾黍逢人憶子孫
亂藤穿井口流水到籬根
惆悵不堪住空山月又昏

卧病書懷

苦心三十載白首遇艱難
舊地成孤客全家賴釣竿
貌衰緣藥盡起晚為山寒
老病今如此無人更問看

落第後歸終南別業

久為名所誤春盡始歸山
落羽羞言命逢人強破顏
交踈貧病裏身老是非間
不及東溪月漁翁夜往還

送朝邑張明府

此公善琴或云送夏縣

千室暮山西浮雲與樹齊
剖辭雲落帑擁吏雪成泥

野火蘆千頃河田水萬畦
不知琴月夜誰得聽烏啼

送李方東歸

即故李校書歸親弟

故交三四人問別共沾巾
舉目是陳事滿城無至親
身從喪日病家自儉年貧
此去何堪遠遺孤在舊隣

秋晚霽後野望憶夏侯審

天清禾黍平暢目亦傷情
野店雲日麗孤莊砧杵鳴
川原唯寂寞岐路自縱橫
前後無儔侶此懷誰與呈

送王尊師

夢別一仙人霞衣滿鶴身
旌幢天路晚桃杏海山春
種玉非求稔燒金不為貧
自憐頭白早難與葛洪親

歸河上舊見寄

三旬一休沐清景滿林廬南郭群儒從東牀兩客居
燒烟浮雪野麥隴潤冰渠斑白皆持酒蓬茅盡有書
終期買寒渚同此利蒲魚

送撫州周使君

即侍中
之婿

周郎三十餘天子賜魚書龍節隨雲水金鏡動里閭
松聲三楚遠鄉思百花初若轉弘農守蕭咸事不如

贈別司空曙

有月曾同賞無秋不共悲如何與君別又是菊花時

送王錄事赴任蘇州

即舍人
堂弟

古堤迎拜路萬里一帆前潮作澆田雨雲成煮海烟
吏閒唯重法俗富不憂邊西掖今宵詠還應寄阿連
大梵山寺院奉呈趣上人趙中丞

休人事僧房學閉關伴漁浮水上看鷓向

古秋仍早松深暮更閑月中隨道友夜

送恒操上人歸江外

依佛不違親高堂與寺隣問安雙樹曉求膳一僧貧
詩况過龜朝兩經七每人還司會休去儒者亦霑巾

唐盧尹部詩集卷第十終

